



UNIVERSITÄTS-
BIBLIOTHEK
PADERBORN

Universitätsbibliothek Paderborn

Viridarivm Sanctorvm

Ex Menæis Græcorum lectum, translatu[m] et Annotationib. similibusq[ue]
passim, historijs Latinis, Græcis; editis, ineditis illustratum

Rader, Matthäus

Avgvstae Vindelicorvm, 1607

I. S. Theoctista Lesbia Virgo.

urn:nbn:de:hbz:466:1-43013

- Ouid. 4.* *Qui fieri potuit triplici cum corpore, & una*
Met. *Prima leo, postrema draco, media ipsa Chimera*
Ore foras acrem flaret decorpore flammam.
- 1.* *Quòdque Chimera iugū medijs in partibus hircū*
3. nouem *pectus & ore leo, caudam serpentis habebat.*

I. S. THEOCTISTA LES- BIA VIRGO.

MEthymnensis hæc erat patria, vitæ statu religiosa; Nam à prima infantia in virginum cœnobium deducta, sacrum religionis cultum induit. Nata annos decem & octo, in vicinum egressa vicum sororem salutauit. Sed cum eadem nocte Cretenles duce Nysiride, 2. locum inuasissent, omnes incolas vna cum Theoctista ceperunt, Ad lucem ergo morati in insula, captiuis vndique coactis, prædā composuerunt. Theoctista dato clam fugæ loco in siluam cunctis ignota secessit, vbi & postmodum, quamuis fame, frigore, æstuq; grauitet diu, multumq; conflictata perseuerauit, lupinis & agrestibus herbis pasta, intra quinque
 3. supra viginti annos visa nemini, Deo penitus addicta, cui viuebat soli & intemeratæ Dei matri. Anno quinto & trigesimo exacto, diuino ductu, venator ferā persecutus, atque à cæteris longius digressus 4. ædem Deiparæ visendi gratia ingreditur, erat enim

enim locus desertus, precatusque suspexit aliquantulum, viditque ad dextrum aræ latus quasi velum à vento agitatum, aut aranei telam. Ergo rei propius intuendæ causa progressus, audit vocem ita se compellantem: siste gradum homo, nec propius accede: fœmina enim abs te videri erubesco. Percussus ille & tremore correptus fugam meditabatur, etenim comæ illi spinæ instar erectæ inhorruerant; ægrèq; tandem recepta mente quærebat, quænam, & vnde esset: Et illa. Vestem, inquit, obsecro huc proiice, vt tecta tecum loqui possim. Quod ipse cum fecisset, illa vestem induta, signoque crucis expresso munita, ad venatorem prodijt. Et erat forma quidem muliebti, sed specie vix humanâ. Crines alba, frontem nigra, corpore ita extenuato, vt vix ossibus hæreret, meraque umbra videretur. Expositis ergo, quæ supra narrauimus, hæc adiecit: precata venatorem vti sibi particulâ sacrosancti corporis Christi adferret, rursus vterque ab altero discessit. Qui postquam cum sacris mysterijs Eucharistiæ reuertit, accepit hæc, illa precabunda, Deoque meritas grates persoluit. Abijt hinc ille ad venationem, & paulò post ad eam, veluti desideratum thesaurum, reuisit, quam defunctam iam offendit, cui

E

pro

*En sum
vnius spe-
cies.*

8. pro loci facultate tumulum parauit, eodem loco, vbi mortuam, repererat, multa precatus. Deumque debita laude veneratus humo condidit.

ANNOTATIONES.

1. **M**etaphrastes copiosè præstantis huius virginis acta profecutus est. Extant & apud Lipom. t. s. & Surium. Celebrant hanc Molanus & Martyrolog. Romanum 10. Græcum 9. Nouembris.
2. Parum insulam Cretenses Arabes inuaserunt, in qua degebat S. Theoctista.
3. *Ex Eubæa, inquit Metaphrastes, Senatores huc Venerunt: habet enim Parus insula magnam ceruorum & caprearum copiam.*
4. *Aedem Desipara pius Senator more suo inquit Metaphrastes, religionis causa ingressus erat.*
5. Hæc aliter in Metaphraсте. Venator defunctâ non sepeliuit, sed cum lacrymis veneratus reliquias, manum eius præcidit, secumque abstulit, mox coactus referre, cum naus non nisi relata dextra propelli posset. Socij venatoris intellecto miraculo certatim & ipsi ex naui ad templum aduolabant, sed præter vestigia corporis nihil amplius reperere.

S. HYPATIVS EPISCOPVS I. GANGRENSIS.

15. Nouëb
Ead proli-
2. 166.

S Hypatius Constantino M. imperante floruit, vnus ex illis cccxviii. patribus

in